

حقوقی بیلگیلر مجموعه سی

آیده بر نشر اولنور

DOCTRINE

تَتَبُّعَات

حقوقی فکرلر — RÉFLEXIONS JURIDIQUES

قوانینک تشکیلات اساسیه بر موافقی

مجموعه مزك برنجی نسخه سنده پارس حقوق فاکولته سی محترم پروفیسور لرندن موسیو
آشیل ماستر A. mestre اوزون بر مقاله سنده تشکیلات اساسیه قانونمرك ۱۰۳ نجی
ماده سنه کوره، بر تورک حاکمی بر قانونک تشکیلات اساسیه یه مغایر اولدیغنه قناعت ایدرسه
اونی تطبیق ایتمک مجبوریتنده اولمادیغی نظریه سنی اساسلی صورتده مدافعه ایتش ایدی .
مجموعه نك ایکنجی نسخه سنده دخی بو «حقوقی فکرلر» ک بر فقره سنی عینی بحثه حصر
ایتش ایدم . بو اصول و بو اساس یالکیز بزده موجود اولمایوب آمریقاده دخی تطبیق
ایدلدیکی ده قید اولونمش ایدی . آناطولیدن آلدیغیم بر مکتوبده بو نظریه اطرافنده بعض
مطالعهلر درمیان ایدلد کدن صوکر ا بزده ۱۰۳ نجی ماده نك تطبیقنه مدار اوله جق بعض
قوانینک مثال اوله رق کوسترلمسی آرزوسی اظهار ایدلمشدر .

بز، یالکیز پرهنیددن بحث ایتدک؛ فلان قانون تشکیلات اساسیه یه مغایر در دیمه دک،
بو، حکامک تقدیرینه محول بر کیفیتدر . بئم ایسته دیکم شودر که تورک حاکمی عندالایجاب

تشکیلات اساسیه قانونیه مؤمن اولان حقوق دولت و حقوق عبادک، حتی مجلسک قانونلرینه قارشو بیله، مدافعه وظيفه و صلاحیتی کندیسندن مندیج بولوندیغی قناعتی بسله سین و موقعنک نزاکت و اهمیتی نظرندده برقات دهآرتسین؛ برجه ایله تلخیص مقصد ایتک ایجاب ایدرسه بوعلمی نظریه نك و بالنتیجه بوحقوقی ذهنتک بزده انکشاف ایتسی بک زیاده تمئی ایدبله جک بر حالدر.

فقط مادامک مخبر من بعض مثاللر ایسته یور، بز، صرف بر مطالعه قیلندن اوله رق ایکی مثال در میان ایده جکز.

برنجی مثالی پوسته نظامنامه سندن آله جنف؛ اسکی بر نظامنامه ده قیمت مقدره لی مکتوبلر ایچون احکام یوقدر؛ ایکنجی نظامنامه ده قیمت مقدره لی مکتبیدن بحث ایدلمکده در؛ برنجی نظامنامه ده بر مکتوبک محتویاتی پوستیه دوغرو سویلمتمدیکی حقنده شبهه حاصل اولدینی تقدیرده مأمورک، تشکل ایده جک بر هیئت مخصوصه حضورندده مکتوبی آچه بیله جکنی سویله مش ایکن ایکنجی نظامنامه بو احکامی مسکوت بر اقا شددر. ذاتاً قیمت مقدره لی مکتوبلر حقنده کرک تور کیده کرک اوزرو پانک هر طرفنده قبول ایدیلن اصول، علم و منطق موافق بر صورتده اوله رق، پوسته نك مکتوب محتویاتیه علاقه دار اولماسیدر؛ مثلاً بیک لیرایی محتوی اولان بر مکتوبی پوستیه ویریورسکز؛ سزدروننده یوز لیرا اولدیغی سویله یرک آکا کوره پوسته رسمی ویریورسکز، بونی اداره بیلسه دخی علاقه دار اوله ماز؛ پوسته اداره سی مکتوبی آلدینی او اجرت مقابلنده مرسل الیه تسلیمنی تعهد ایدیور؛ بوتعه دینی یا مازسه یوز لیرا ویره جک؛ زیرا یوز لیرانک نقلیه رسمی آلدی؛ بناء علیه مکتوب صاحبی، مکتوبی ضایع اولورسه، فرقی غائب ایدر؛ عکسی دخی دوغرودر؛ مکتوبده بوش بر کاغذ وار ایکن سز او نی پوستیه ویرر ایکن دروننده یوز لیرا واردر دیدیکتر، بوندنده پوسته متأثر اولماز؛ مادامک یوز لیرانک دیه اجرت آلمشدر، مکتوبی محله ایصال ایتمزه یوز لیرا ویره جکدر؛ بتون اوروپا نظامنامه لرندده صراحتله قبول ایدلمش اولان بو اصول بزده دخی جا ایدر، اهمیتی ده بو یوکدر. مثلاً آنطالیه و یا مرسینک ایش زماننده پارهیه احتیاجی واردر؛ بوراده کی بانقهلر هفته ده برقاج یوز بیک لیرا کوندره جکار؛ پوسته اجرتی لیرا باشنه برغرو شددر؛ بانقهلر بومصرفه تحمل ایده مزلر؛ و بومصرفه تابع طوتوله جقلسه پاره یی کوندر مزلر؛ او حالده مثلاً اون بیک لیرانک بر مکتوبک محتویاتی یوز؛ یابش یوز دهیه پوستیه بیلدیره رک قید ایدرلر؛ صوکر سیغورطه شرکتنه مراجعتله او

مکتوبی اون بیک لیرا ایچون سیغورطه ایدرلر؛ فقط لیرا باشنه بش ویا اون پاره ویررلر؛ بو ایشدن پوسته قطعاً ضرر کورمه یور؛ مملکت ده پاره نك قولای تداول ایتسندن دولایی اقتصاداً مستفید اولو یور .

امدی، بویله بر مسئله ده، پوسته شعبه لرندن بری؛ قیمت مقدرلی بر مکتوبی آچوب بیان ایدیلن قیمتدن فضله پاره چیقمه شدرده اسکی نظامنامه یه کوره هم فضله رسمی هم جزای نقدی یی آلمشدر؛ حالوکه ایکنجی نظامنامه ده صراحةً بالعموم مرعی اولان پوسته احکام قانونیه ونظامیه سنک ایکنجی نظامنامه احکامیه قابل تألیف اولمایانلری مفسوخدر ده نیلیور. ایش، محکمه یه دوشدی؛ محکمه اصلیه ایکنجی نظامنامه صراحةً اولکی نظامنامه یی فسخ ایتمه مشدر ده یه رک یاپیلان معاملیه یی صوب ایتدی؛ تمیز، حیر! ایلک نظامنامه نك موضوع بحث احکامی. ایکنجی نظامنامه نك قیمت مقدرلی مکاتبه عائد احکامیه قابل تألیف ده کلدر ده یه نقض ایتدی؛ محکمه اصلیه برنجی نظامنامه خاصدر؛ ایکنجیسی عامدر؛ خاص، صراحت اولمادجقه، عامک شمولندن خارجدر ده یه رک اصرار ایتدی؛ محکمه تمیز هیئت عمومی یی بو قراری تصدیق ایتدی. امدی، حاکم، تشکیلات اساسیه یه مغایر بر قانون و بر نظامنامه یی تطبیق ایتمه مک صلاحیتی کندیسنده کورسه یدی تشکیلات قانوننک ۸۱نجی ماده سی موجبجقه پوسته اداره سنک معامله سنی قبول ایتمه یه رک تصحیح ایده جکدی. زیرامد کور ماده یه کوره پوسته لر ویرلن اوراق، مکتوبلر و هر نوع امانات آنجق صلاحیتدار مستنطق و محکمه قراری اولمادجقه آچیلماز و تلغراف و تلفون ایله واقع اولان مغایراتک محرمیتی اخلال اوله نماز؛ بوکا قارشو بر قانون و نظامنامه وضع ایدلمش ایسه اثر ذهول اوله رق تنقی ایدلمه لی و بویله بر نظامنامه محاکم طرفندن تطبیق ایدلمه لیدر .

ایکنجی مثالی ده صوک ۲۲ مارت سنه ۱۹۲۶ تاریخی قانوندن آله جقم. بو قانونه کوره مملکتی ترک ایتش اولان مبادللردن حتی کاتب عدله مصدق سنداتله مطلوبی اولان دأئئر، محکمه یه مراجعتله مبادلک املاکندن استیفای حق ایده مه یه جکلردر؛ دأئئر، مالیه وکالتنده مطلوبلرینی قید ایدوب حین تصفیه ده برشی فالیرسه استیفای حق ایده جکلردر؛ بر حاکم، بو قانونی تشکیلات اساسیه نك حن تصرف و حق تجارت کبی احکامنه موافق کورمه یه بیلیر؛ بشقه حاکم موافق کورور؛ موافق کورمه یی تطبیق ایتمز، تمیز مذکور قانوننک تشکیلات اساسیه قانوننه مغایر اولمادیغه قانع ایسه اعلامی نقض ایدر؛ ایلک حاکم قناعتنده مصر ایسه هیئت عمومی مسئله یی حل ایدر. مقصد، پرنسپلی تعینده در؛ حاکم،

نشر ایدیلن قانونلری برماکنه کی تطبیقه مأموردکلدر؛ حاکم، عقل سلیم، منطق، قانونک روحنی آکلامفه حصر ایدر؛ بر قانونی تشکیلات اساسیه — که قانونلرک قانونیدر — مغایر کوردیکی کی آنی تطبیقه کندیسند مجبوری حس ایتز؛ زیرا حاکم، اول امرده، یو کسک بر وجداندر.

وحدت فضا

قضای عدلی نك یاننده «قضای اداری» نك وجودینه لزوم کو سترمدجک، بزده اسباب تاریخیه اولمادینی و بناء علیه تورکیانک مطلقاً فرانسه‌نی تقلیده مجبور بولونمادینی و مسئله نك حائز اهمیت اولوب آیریمجه تدقیقه شایان بولوندینی حقیقه یازدیغم فقره بمض اعتراضلری جلب ایتشدرد. بو یازیلرمدن شورای دولت مؤسسه سنک لزوم سترلغنه قائل اولدیغم معناسی استخراج ایدلمکده در که بو تماماً یا کلسدر، بن، شورای دولت مؤسسه سنی تنظیماتک الک یارلاق بر مولودی عد ایدرم؛ سلطان حمیدک اداری استبدادینه و مشروطیتک شعور ستر بعض یولسزلقلربنه قارشی حقوق عبادی صیانت نقطه سندن یاپدینی خدمتلری ده هیچ منکر دکم؛ استقبالده دخی ینه اجرا قوتنک و حتی پارلامنتونک مفید بر مشاوری اولماسی ده انکار ایدیله مز؛ موضوع بحث ایتدی کمز مسئله باشقه در؛ مأمورینده موجود بر ذهنیتک دیکشمسنی آرزو ایدیورم: حقوق ناس، مأمورک تمیل ایتدیکی حق عام مقابلنده پک کوچو کدر؛ ایشته بو فکره قارشی مجادله ایدله لیدر؛ واک دوغرو اصول افراد ایله دولت آراسنده موجود اختلافاتک ینه قضای عدلی واسطه سیله، حلیدر: اختلاف ظهورنده، حق، قانون نظرند بر در؛ حتی بو اختلاف دولت ایله فرد آراسنده دوغسون! بوندن اومعنا چیقار مامالی که دولتک کندیسنه مخصوص قاعده لرینی نظر اعتباره آلمایه جغز؛ بر چوق احوالده فردک، سلامت عمومی نامنه دولت لهنه بعض فدا کارلقلرده بولونمغه مجبورتی ده کوزدن چیقار مامالیدر؛ فقط اس اصلی شودر که، فرد، دولت ایله اختلافنده، علنیت و مرافعه یه واداری ماهیتی حائز اولمایوب دولتک عدلی منظومه سنه کیرن محکمه لره مظهر اوله جقدر. و صوک سوز محکمه تمیز هیئت عمومی سسه راجع اوله جقدر؛ بو، حقوق عبادک مصون قالماسی ایچون شرط اساسی اولمغه اونسز وحدت قضادن بحث ایتکه امکان بولونماز.

بر مسابقه

حقوق علمك يالكر قانونلرى بيلمك وروح ومعناسه نفوذ ايتمكدن عبارت اولمادىغنى و بو علمك نظرياتى ، فلسفه سى يك درين و جداً شايدان تعميق اولديغنى و مجموعه نك بو خصوصى ده مهما امكان اھمال ايتمه كمك چاليشه جغنى برنجى نسخه مزده يازمش ايدك ؛ علم حقوق ايله مشغول اولان محترم ارقداشلىرى بو واديدہ تدقيقات و تتبعاته سوق ايتمك مقصديله بر مسابقه آچيورز . مسابقه نك موضوعى شودر :

زانه زامه روسو و مفاراك اجتماعيسى .

معلوم اولديغى اوزره اختلاف كيره اك چوق مؤثر ويكى بر عالمك دوغماسنه عامل اولمش اولان محرر و اديب ژان ژاق روسودر ؛ هر بر ائرينك قيمت خصوصى سى انكار ايديله مديكى كى «Contrat Social» مفاوله اجتماعيه سى حقوق اساسلىرى زير وزر ايتمش ويكى نظريه لره قابو آچمشدر . ژان ژاق روسو حفته يازيلان آثار يوزلرجه دكل ، بيكلرجه صايبلىر ؛ جنورده كان ژان ژاق روسو جمعيتى هر سنه بو محرر حفته يازيلان تدقيقاتى و تبعلرى كوسترن بر اثر نشر ايدر ؛ فى الواقع ژان ژاقك بتون افكارى و مفاوله اجتماعيه سنده كى حقوق فكرلرينك جمله سى حال حاضرده مصيب عد ايديله يورسه ده هر حالده بوفكرلر وقتيله بويوك بويوك تاثيرلر اجرا ايتمش وديديكمز كى بوفكرلر ك ايزلرى اختلاف كيرك اجرا آتنده كورولمكده و «مفاوله اجتماعيه» سنك پرئسيپلرى ايسه حقوق علمك اساسلىرينه ايشله مش بولمقده در .

مملكت مزده بويله بر اثر حفته شمدي به قدر لايقيه برتبع يايلىما مشدر ؛ بز بوتبعي يازدير مق ايسته يورز : بناء عليه ، مفاوله اجتماعيه نك احتوا ايتديكى پرئسيپلرى ، علم حقوقه تاثيرى ، بو پرئسيپلر كه وعلينده درميان ايداش مطالعه لرى ، بونلردن حالا مقبول عدايدىلنلرى حفته لاقلا مجموعه مز مجمنده اللى صحيفه لك برتبع ايسته يورز ؛ بوتبعه - بر هيت شخصه طرفدن بالتدقيق اك موافق كوروله لك اولانسه - ايكي يوز ليرا اجرت و يريله جكدرد . بوتبع اوچ آي ظرفده اكمال ايديله ليدر . يعنى ۱۹۲۷ سنه سى مارتك صوك كوني پوسته يه و يا خود اداره خانه مزه تسليم ايدليلدر . حرمتلى مدرسلر مزك و عزيز مسلكدداشلمك بومسابقه يه اشتراك لطفنده بولمق چنلرغى اميد ايتمك ايسترم . بو بحث يالكر حقوق ايله اوغراشانلر طرفندن دكل ، اجتماعيانه اوغراشان ذواتكده دائره اختصاصه كيرر ؛ زيرا حقوق علمك يوكسك طبقه لرى ، اجتماعياله صيقى صورتده برله شير .

مبوسى : غاد فرانفر